

# Powšitkowne WOZJEWJENJA

njedźelu, 30. junija 2019

## Na putnikowanje do Róžanta přińdže kardinal Duka

Putnisku Božu mšu wutoru, 2. julija, w 19 hodź. w Róžeńce budže Praski arcybiskop, kardinal Dominik Duka, ze serbskimi wěriwymi swjećić. Jeho přédowanje so přeloži. Nimo njeho přińdže tež Drježdžansko-Mišnjanski biskop Heinrich Timmerevers na tute putniske kemše. Samsny dzeń je w 9 hodź. w Róžeńce Boža mša w serbskej rěči.

## Lětni koncert Meje lětsa na druhim městnje

Radworski Chór Meja přeprašuje wšitkich zajimcow na swój lětni koncert, kotryž wotměje so njedźelu, 30. junija, w chlódku štomow na farskej zahrodze při cyrkwi w Radworju, nic kaž hewak před Starej cyrkwičku. Wot 15.30 hodź. poskići so swačina. Koncert zahaji so w 16 hodź. Nimo Mejanow wuhotuje program chór Svatobor z českich Sušic, městačka južnje Plzenja. Wón přińdže přeni raz do Łužicy. Zhromadnje spěwajo a bjesadujo wječor wuklinči.

## Swójbna njedźela w Domje biskopa Bena

Smochčanski Dom biskopa Bena přeprašuje wšitkich zajimcow njedźelu, 30. junija, wot 14 do 17 hodź. na swójbnu njedźelu. Wopytowanje wočakuje pisany program za wulkich a małych. Mjez druhim wustupitej rejwanska skupina Łužičanka a Drježdžanska bigband 50plus. Tež wšelake kreatiwne poskitki tam změja.

## Putnikowanje do Krupki

Putnikowanje do Krupki budže wot njedźele, 28. julija, do pjatka, 2. awgusta. Duchowny přewod změje farar dr. Daniel Dzikiewicz. Přizjewić měli so zajimcy hač do pjatka, 5. julija, w Chrósćicach na farje pod telefonowym čisłom (03 57 96) 80 400. Zhromadźizna putnikow, kiž je za wšitkich zawjazowaca, wotměje so njedźelu, 21. julija, po nyšporje, kotryž započnje so w 14 hodź. Farar dr. Dzikiewicz prosy putnikow, zo bychu k přirotej Knihu Tobit ze Stareho zakonja přečitali a sej w interneće film „Stalker“ wot Andreja Tarkowskeho z lěta 1979 wobhladali. Putniska Boža mša w Krupce budže srjedu, 31. julija, w 10 hodź.

## Putnikowanje džěci do Róžanta

Džěci ze wšitkich serbskich wosadow su pod hesłom „TY darił sy nam cyły swět“ srjedu, 10. julija, na putnikowanje do Róžanta přeprašene. Boža mša zahaji so w 10.30 hodź. w hnadownej cyrkwi. Po mjezyprogramje so putnikowanje z nyšporom w 13.00 hodź. zakónči.

## Z busom do Krupki kemši

Na putnisku Božu mšu srjedu, 31. julija, w 10 hodź. w Krupce pojedže zaso bus. Štóž chcył sobu jěć, měł so najpozdzišo hač do pónđzele, 22. julija, w Šmitec wozydłownistwje w Radworju přizjewić, telefonowe čisło (03 59 35) 28 60.

## **„Mjenje stresa – wjace wjesela“**

W Smochčanskim Domje biskopa Bena wotměje so wot póndžele do soboty, 15. do 20. julija, swójbny tydzeń pod temu „Mjenje stresa – wjace wjesela“. Nadrobne informacije zhonja zajimcy w Smochčicach pod telefonowym čisłom (03 59 35) 2 23 17.

## **Putniska jězba do Ukrainy**

Putniska jězba do ukrajskeho Lwowa (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturou wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejestwo. Wobdžělím so na swjatočnej Božej mši po grjekske-katolskim wobrjedže, wopytamy mniši klóšter w Uniwje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika a duchownu podpěru Bačońskeho fararja Gerata Wornarja. *T. Kubašec*